

[Augsburg], 15. Januar 1573

An Hugo Blotius

ÖNB Wien, Cod. 9737^Z, Kassette I (Nr. 14), fol. 200r.

S. Wolfius tuus, Clarissime vir, domine et amice colende, nec ἐπιδεικτικὴν καλλιγραφίαν, nec ρητορικὰς ἐφόδους requirit. ἀπλοῦς ὁ τῆς φιλίας ἔστω λόγος: quali ego in scribendo uti et soleo, et necesse habeo: quia aliter non possum. 2 coronatos accepi, qui valent apud nos f. 3. + 4. Inde bibliopolae pro scholis Fabricianis, 2 grammaticis, 2 rhetoricis, 2 Physicis, et commentario Martyris dedi f. 2. + 6. reliquos habeo. + 58. pro quib[us] dabo operam, ut reliquos libellos 2 Dialecticas et 2 Ethica et 2 spaeras post Francofurtanas nondinas, unā cum Balduini historia mittam: de qua scripsit et Seb[astianus] Foxius, et alij. quorum nomina nunc non occurunt. Ego vendita bibliotheca mea, paulatim colligo libellos philosophicos et philologicos, praesertim graecos. In quo genere si qui insigniores isthic habentur: gratum mihi erit, eos in schedula consignatos videre. Huc enim, propter paucitatem philosophantium, nihil ferè tale affertur. Vale, et opera mea, quoties opus est, ἀφειδῶς χρῶ. 15 Ianuarij 1573.

Hiero[nymus] Wolfius
Tuus.